







盛明十二家詩選第九卷目錄

五言排律

鄱陽湖十六韻

李夢陽

哭徐博士二十韻

赦出館李真人別業顧侍講清暨汪編脩

俊俊弟編脩偉許枉訪不至十韻

雲臺山家見杏花

寄贈余子

冬至劉氏園庄十韻



壽許司馬

何景明

復菴王公錦

愚菴王公壤

聞河南捷呈閣內諸公

秉衡在獄中感懷有作二十韻

中元節有感

題唐氏池園

徐禎卿

於武昌懷獻吉五十韻

廬山

九日期登大慈恩寺閣不果寄獻吉

壽許冢宰

顧璘

丙子元日於郡齋作四十韻

送費學士南試還朝

輓白司寇

喬衡州母夫人

送許中丞赴延綏

邊貢

秋日山中送許中丞德新赴甘肅總鎮十

韻

送楊石齋

薛蕙

寄劉士奇王允升戴宗道張時濟四同年

三十韻

送顧華玉邊廷實歸南都

送劉長輿

飲何太僕答贈六韻

自三台河泛舟至鳳巖

王廷陳

初歸故園作二首

贈張汝霖北上

寄劉松石

送管平先生頒封秦府

高叔嗣

送大宗伯介溪公之南都

再次權店

送林章之郎中讞獄南海

李攀龍

題歐職方鵝山泉高齋

哭公實

和殿卿咏梅篇

夏日張茂才見枉林園

宿華頂王井樓

人日同元美子與公實集子相宅

天寧寺塔中有舍利時時於相輪吐光予

夜宿見之

王世貞

人日同茂秦集子相考功

茂秦次梗謁余於魏郡有作

書懷

大中丞潘公自吳興扁舟見訪

元日舟中寫懷

姚汝脩

同青神陳明府遊中崑寺

送少司空鳳竹徐公奉

詔督治漕河

二十韻

上尹洞山宗伯老師

張文介

寄送沈三洲少叅開府廣信

過鳳麓丈錦石齋戲題

虎泉公漱芳亭新成偶題一十六韻

送懷石使君巡行越中八韻

酬趙晉峰丈

春日過順所郡伯山園一十八韻

奉酬 益藩仙源世殿下十六韻

寄游初兄

盛明十二家詩選卷之九

東坡詩集

功在感書

益王潢南道人選輯批點

五言排律

五言排律與五言律詩其句法雖同而其篇法實異五言律其描寫情景止盡於四十字中故貴乎寬閒醞藉之中而又有嚴密緊湊之妙若五言排律或數十韻或百餘韻其篇法豈五言律法可同予嘗謂作五言排律其要有四一貴舖叙得體先後不亂二貴隊仗整肅情景分明三貴過度明白不令人沉思回顧四貴氣象寬大從

容不迫斯為得體其餘脩辭煉句務須清
新俊逸富麗雄渾典雅莊重皆與五言律
法同也最忌繁冗混雜險怪艱深令人三
讀而不知翻不如作五言律矣昔白樂天
作小詞尚令老婢能解况於長律乎哉唐
人盧駱沈宋高岑王孟皆入聖域而老杜
尤為神妙千變萬化百韻不休如韓淮陰
將兵多多益善獨立斯體之極學者能于
此數家效法之足矣大曆以下漸入細小
淡薄不足法也今所選其上者不減盛唐
諸公而次者亦在天寶大曆間以諸子取
法甚正雖不中不遠矣

李夢陽

鄱陽湖十六韻

太·祖·平·陳·日·樓·船·下·此·湖·波·濤·留·壯·色·天·地·見·
雄·圖·水·上·開·黃·屋·雲·中·下·赤·烏·士·猶·詢·後·載·戈·
已·倒·前·徒·力·屈·鯨·鯢·仆·聲·回·鴈·鷺·呼·橫·江·收·玉·
筍·跨·海·定·金·符·文·軌·遙·通·楚·梯·航·訖·至·吳·虎·賁·
雖·莫·敵·龍·戰·豈·全·辜·血·染·猶·丹·草·骨·沉·空·白·蕪·
汀·洲·夜·寂·寂·霜·月·鬼·鳴·鳴·殺·氣·鼉·鼉·徙·腥·風·島·
嶼·孤·魯·人·拾·古·鏃·艇·客·慨·秋·菰·偉·彼·高·光·烈·還·

將蕭鄧須英謀。協睿筭。勇奮想長驅。劔瘞神仍
在。舟焚勢與徂。康山魏廟在。忠武激頑夫。佳

哭徐博士二十韻

乾坤風色暮。江漢哭斯人。棘寺翻飛日。文園久
病身。數竒官竟左。材大命須貧。放浪原違癖。羈
淹祗為親。赤城終羽節。璧水暫儒紳。鸚鵡偏垂
翮。鯨鯢不縱鱗。回俎豈道薄。屈憤轉時屯。藥石
竟能返。龍蛇識亦真。楚狂嗟鳳鳥。魯叟泣麒麟。
邂逅京華始。風雲氣象新。遭鸚陪王筍。倚馬接

華祠。宅燕南陽月。花吟東部春。回頭成宿昔。開
眼漸風塵。妻子今誰託。文章後益振。王喬誇鴈
鵠。傳說化星辰。松柏丘墳坼。灰沙劔烏陳。閭門
寒擊甕。吳水痛沉珍。宿草扁舟阻。生芻絮酒伸。
碑非蔡邕愧。誅豈仲宣倫。獨把延陵劍。吞聲淚
滿巾。尤佳

赦出館李真人別業。顧侍講清暨汪編修
俊俊弟編脩偉許枉訪不至十韻

開業傍仙宮。逶迤金闕通。綵雲偏近日。瑤草靜

含風野性耽沉寂携遊想數公秋林葉自落露
井果猶紅搖筆憐清景吹簫望碧空寒山萬井
外滄海五陵東却笑龍鵝侶番成失馬翁生涯
真畫餅故舊各飛蓬對食懷金馬開筵列玉童
不知東閣士清論幾時同清新俊爽

雪臺子家見杏花

九陌春風起居庭一見花偶來吾下馬先有客
停車猶是輕寒日那禁爛熳霞覓詩巡獨樹泛
酒摘高葩色故流衣袂香能染帽紗眼中俱是

幻身外豈須嗟冷暖隨人事行藏付物華明朝
約重賞莫遺落塵沙清便俊逸之極末二語尤
有趣

寄贈余子

余子去吾久行藏今若何黃山住實近白髮轉
應多身以煙霞癖心通日月和龜蒙元倚釣康
節竟成窩林壑潛虬日江湖放鷁過鄉人欽杖
屨世路笑風波初度臨萸菊高筵敞薜蘿橘陳
屈子頌鶴擬李生歌日落峯回色雲香客半醺

壽杯思欲把惆悵隔三河。

冬至劉氏園庄十韻

暖暖寒城曙綿綿野徑紆初陽升古戍白露靜
園蕪歎客琴尊並開堂松竹孤登高望雲物極
目散江湖孟澤蛇龍伏芒矟鴈鷺呼行藏虞氏
傳勲業阮生途且盡留連飲休嗟序運徂群虫
迎節動百卉待春蘇日月悲羈旅乾坤識故吾
寄言招隱者斯地有潛夫

此篇亦穩妥惜結未

稱

何景明

壽許司馬

間代生豪傑乘時見哲人雄姿龍馬異偉器廟
廊珍浩蕩天開運崔嵬嶽降神扶持元有自制
作固無倫磊落先朝事崢嶸報主身九宵隨
日月萬里出風塵柱下曾簪筆臺端早拽紳觸
邪持豸角糾繆逆龍鱗道直官頻謫時危志不
伸流言鑠金石雅操厲松筠行路知桓典專城
借寇恂清譽高士論優詔闡皇仁紫禁彈

冠入黃沙捧節巡。讜謨仍寡合，正氣凜難馴。厚
寵臨危辱，幽期邁隱淪。班行看解綬，河上羨垂
緡。謝卧東山裏，夷歸北海濱。蒼生懸望切，青瑣
薦書頻。改革逢多難，蒼皇憶舊臣。帝心虛簡
在，神武藉經綸。指顧三邊靜，吹噓四表春。朝
廷推汲黯，帷幄用陳遵。圖識魚蛇變，營觀虎豹
馴。赤墀分雨露，畫省接星辰。下殿常宣問，臨軒
數見親。御香携袖滿，瑞錦賜袍新。不屈朱門貴，
能憐白屋貧。散衙時待士，開閣晚留賓。片善無

攸伏，微言得具陳。重闈俱鑿鑿，諸子益振振。竇
氏燕山桂，莊生漆園椿。趨庭羅彩服，列鼎席文
茵。夢燕佳辰協，乘牛紫氣真。庶司欽軌範，斯世
待陶甄。願保喬崧歲，長登要路津。頌聲垂琬琰，
勲業上麒麟。末進瞻休采，愚衷實忭欣。魏公中
土彥，誰謂德無鄰。此篇鋪叙不亂，最得排律之
體。惜篇什太長，不能字字皆精金矣。

復庵王公錦

斯人中土彥，未老即重泉。薦鴟推前達，乘駃憶

少年聲名起霄漢。詞翰落雲烟。志在身先。退才
高道亦全。劔橫常自許。寶棄復誰憐。世業襄城
舊。孤墳汝路偏。脩文應地下。遺像儼生前。未得
瞻風槩。空令涕淚懸。勻稱

愚庵王公瓌

大夫元曠。達襟抱絕塵氛。香署星辰列。清班鶴
鷺群。兩都看宦達。百家動廉勤。要地能知止。危
途耻策勲。早投南郭隱。不待北山文。身向歸來
健。名從死後聞。一官無厚業。諸子有餘芬。鳴瑟

哀梁木遺書。落案芸風。花虛館榭。烟草自丘墳。
野路東流水。空山歲暮雲。九原長不起。回首一
懷君。全佳

聞河南捷呈閣內諸公

近得河南定。旋收東海疆。元亮親受縛。餘孽遠
潛藏。始失徐關險。終連郢塞長。狐狸窺社稷。螻
蟻竊侯王。清洛千營駐。黃河一葦航。詎能逃汝
漢。那敢傍嵩卬。勇畧傳諸將。兵威借朔方。中丞
兼節制。上宰極扶匡。霽色瞻宮殿。陰氛散渺茫。

凱音連報捷獻壽屢稱觴。天子開麟閣羣公奉栢梁。中興當此日漢武是。今皇愴往衣冠禍哀茲盜賊倡。缺戕悲相國開網見殷湯。格聞中原血誅求。海內瘡猶頌哀痛詔。可以治安章。斟酌調元氣扶持立紀綱。薦新行太廟覽政坐明堂。不獨殲豺虎還應感鳳凰。蒼生倚君相拭目看時康。平安

秉衡在獄中感懷有作二十韻

朋儔日幸蹇念汝涕如瀆賈誼生非晚鄒陽志

不群書從梁獄上哭向漢庭聞天地虞羅密江湖釣餌芬路豺那可問屋鼠竟難燠已懼蒼蠅點真成貝錦文神龍在污淖鷲鳥失青雲日月盆還覆薰蕕器不分斗間誰辨劍野外枉懷芹談虎嗟何及亡猿禍已云高才元脫略衆口但紛紜木直防先伐蘭芳忌自焚晝臺幽白日冬井下霜氛曉闡明星替陰牆白草曛連驂虛縑繆尺牘阻慙懃石父遭齊相鐘儀滯楚軍受書賢不死演易聖猶勤縲絏終非罪文章固有勲

燕臣霜霰烈。庶女震雷殷。佇見天王聖。金鷄早赦君。
明白典雅可法可傳

中元節有感

去歲中元節。朝陵百職同。嚴趨神路左。遙拜孝園東。
龍虎瞻王氣。乾坤仰帝功。未迴衡嶽駕。空遺鼎湖弓。
啓兆龜圖順。編年鳳曆終。王衣陳畫幄。寶瑟闕玄宮。
北極猶前日。南薰亦舊風。病居逢此日。長望五雲中。
起語雄壯結束亦佳惜過庶處太遽未盡善也

徐禎卿

題唐氏池園

堂上琴書暇。名園愜宴游。綠陰交樹石。白水散田疇。
林步常驚鳥。沙眠且狎鷗。開軒桑柘接。當徑草花幽。
野老時相過。村醪擬共酬。陶然菊松下。乘興足淹留。
雅澹

於武昌懷獻吉五十韻

豈是乘桴客。棲棲鄂水陽。故人多放斥。吾道轉淒涼。
寵辱今如此。沈憂不可忘。隋珠元按劍。荆

璞自離殃似爾青雲器誰言世網傷玉風紛墜
地冥契獨升堂逸擬曹劉駕清聯沈謝行列星
分漢署白雪映仙郎能使尚書重深揚國士光
在公勤夙夜於古準羔羊側席遭仁聖求言渴
禹湯靡躬懷骨鯁有疏削豺狼那信黃金鑠萋
然貝錦張孤誠迴日月萬死出風霜直道焉辭
辱庸夫或笑狂始知天德廣曲納海流長賈誼
猶投楚鄒生故泣梁如何捐虎口忽已訝雲翔
我識從借計觀風美大唐謬通仙籍末賜對玉

墀傍食粟真為竊河清詎有常寧論供黼黻祇
爾奉趨蹌乃邁同心彥陪游古藝塲夜間堪秉
燭日旰尚含香莫逆談恒劇從容寢不遑允求
諧比興端可發宮商疏越宜宗廟華蟲傍袞裳
淵衷深禮樂文化蔚巖廊豈謂奄徂落還應厭
治康雙傾泰陵淚俱斷杞人腸赤子居猶喘蒼
天意巨量河山開紫氣符瑞轉宏綱漸歷輿圖
遠欣瞻帝座昌聲靈掃烏合英德邁龍驤姬旦
匡周室相如侍武皇俄看霾霧鬱半覺老成亡

鱗逆櫻須斃。軌行斷自剛。內林鷗啄吻。丹闕彗
浮芒。逐客無寧跡。窮途不覓糧。屬塔生枳棘。芬
餌挂鸞凰。西去仍秦苑。南歸定汴鄉。驚飛憐帶
繳。欲往嘆迷方。憶向青門別。重凋季月芳。幾時
申契濶。繇此卜行藏。太潔為身累。虛名與世妨。
悲歌空骯髒。中路惜彷徨。潛伺亨陽復。終焉履
善祥。達人聊麴蘖。隱士且康來。鴻鴈紆關塞。江
流極楚湘。遙知懷逐侶。一為奠椒漿。

廬山

豫章山水郡。廬嶽北深蟠。吳楚開雄鎮。東南表
巨觀。中天浮黛色。百里曖晴巒。漸近雲消豁。俄
驚勢鬱盤。錦屏圍合沓。玉笋屢叢攢。詰曲群形
變。登臨萬象寬。風高六月電。氣慄九江寒。石鏡
明。花外香。爐出霧。端劔芒。遙轟轟。龍脉故。九
瑶草。幽難掇。青蓮秀可餐。赤城虛瀑布。彭蠡更
波瀾。禹跡于茲盛。崇功振古刊。壯懷凌絕頂。倦
鳥息飛翰。霄漢心何有。沈冥性所歡。將脩梵門
術。欲上羽人壇。淨社花垂白。名巖竈覆丹。昔賢

非不達於道。自相安愛。勝真忘返。遺榮亦未難。
聊須偃松竹。遂可掛纓冠。祇為懷佳侶。淹留獨
寤歎。模寫廬山甚似

九日期登大慈恩寺閣不果寄獻吉

悵憶青蓮宇。今朝黃菊開。遙知遠公笑。不見白衣來。
遙對窈窕人天閣。崢嶸日月迴。山川紛楚望。城闕動秋哀。
峴首羊公石。淮陰戲馬臺。風煙那可即。逸興杳難裁。
強負登樓作。虛傳落帽才。此時遙獨酌。念爾重悠哉。

顧璘

壽許冢宰

肅肅群公表。經綸協大猷。高名懸白日。正氣凜清秋。
雄壯遷謫君臣分。安危社稷憂。孤忠排衆楚。遠夢戀東周。
郡化餘波溢。軍容古法脩。遲遲登汲黯。侃侃見韓休。
新薦德輿情。共圖王廟略。投艱難。支厦木。契合濟川舟。
赤舄星辰近。文袍彩翠浮。殊恩霑賜子。庶品屬甄收。
禮樂恢天步。同陵邁海籌。詞林森玉樹。鼎位入金甌。
俊語柱

石人方倚丹青地已優願承川至運千載奉宸

旒渾厚中有條理綺麗中有清新雖未及王岑亦不亞燕許矣佳品佳品

丙子元日於群齋作四十韻

南紀江潭遠東風節序移流年傷久客多病負

明時稼穡功何補鶯花興匪宜嶺梅虛照眼江

柳莫搖絲一轉憶昔為即日承親樂在茲都城

依斗極盡省綴雲司祿米供調膳家園奉杖藜

對整而閒情潘岳賦燕喜魯人詩棣萼連庭發

槐陰拂地垂書編長枕籍酒竿亦淋漓契合多

良友招邀慰所思聲華傾座重精白寸心知松

檜寒逾勁驂駟老不羈已堪徵道義况更得師

資西漢才方盛東周夢豈衰立談期化理傾倒

絕猜疑一轉中路罹多難專城試一麾梁陳高

賊壘河朔走征旗苦乏勤王略空懷報國私援

枹臨矢石飲血撫鰥嫠精妥僅免投豺虎方思

伴鹿麋一轉愚蒙仍觸法覆載本含慈斧鑕逃

輕典丹青發朽姿恩波仍五馬窟地異三危水

鏡開城觀星躔壓地支國風饒比興民俗重耕

犁桃水。居人樂華胥。帝載熙頗容。山簡醉未釋。
賈生悲信美。非吾土。浮名已後期。形容麟閣遠。
羽翼鷄圖卑。即事驚華髮。無階叩赤墀。好大權。
唯菽水。野性一茅茨。納履思投足。談經得解頤。
文章關不朽。氣格許誰追。能事輸前列。洪鈞貴。
自持陶鎔蕙。物類渾樸斷。人為郁郁希。游夏勞。
勞去管伊。妙妙行歲俱。自得筋力豈。空疲細雨。
衣襟淨深山。卧起遲時尋。老漁父同釣。楚江湄。
舖叙絕佳如韓信將兵多多益善可以立長篇
之極矣寶之寶之

送費學士南試還朝

拜命臨黃閣。趨程下赤墀。徵才承漢典。奉使詠。
周詩禹甸。今王重郗林。夙望宜龍光。占劔出漢。
影見槎移藻鑑。涵群品文章。得主司朱衣。窺暗。
燭黃綃。獎高辭愛國。唯崇雅和衷。更絕私淚銷。
荆客玉囊脫。趙人錐絕妙。好物論歸華。袞皇恩。
動錦旗禮卑。門士仰興遠。地靈知妙謁。聖瞻龍。
阜懷賢訪鳳池。山河佳麗色。井邑太平規。行紀。
傳詩卷離心。對酒卮城迴。秋草遍江迥。暮潮遲。

省俗無沿泝歸朝佩陸離相將南浦上空有折
麻悲

輓白司寇代王中丞作

海嶽當昌運。星辰降碩賢。弓裘門下族。龍虎榜
中仙。早擢留都輔。初從瑣闥遷。諫行焚草札。政
洽示蒲鞭。大道風雲合。清暉日月懸。西臺分節
鉞。東海靖塵煙。地峻忠逾著。天高眷獨專。股肱
三聖寵。帷幄六師權。雅量涵群品。仁風動九淵。
論全攀檻吏。本省治陵錢。借著籌邦計。乘橈導

運川公才蕭相國使節杜延年執法尚書省陳
經太子筵麒麟騰賜錦鸞鳳翥封箋疾病君
王問勲名孺子傳典刑存柱石契合應薰絃老
乞閒身退歸持御墨鮮煙霞貽鑑水花竹訪平
泉菱美家依港禾登義在田親知疏傳會詩酒
白公禪灑落尋園綺道遙問偓佺年拋紅日外
夢斷白鷄前化鶴仍歸鳥騎箕更上天池臺餘
月榭旌旒展霜鉛樹冷徐君劍江空范蠡船
聖朝隆具禮史閣綴新編馬鬣孤封聳龜趺萬

盛明詩選卷之六
字堅始終公事定生死故情憐莫聽山陽笛臨
風正黯然氣象莊重詞語春容音律雄渾可與
獻吉哭徐博士詩並傳矣

喬衡川母夫人

慨息夫人節難危烈士心盛年孤影立中路百
憂侵淚苦惟啼血兒嬌况在襟機絲秋壁靜篝
火夜堂深突爾看紆紫終然慰脫簪金珠收寵
數閨閣正規箴轉嘆君臣際空為板蕩嗟妙語
不在多可以垂曹娥碑矣

邊貢

送中丞赴延綏

上郡防胡切中丞入陝遙對隼旂明曉甸鏡

吹轉春橋二月花新綴三川雪正消北門來寇
準西域使班超國仗和戎利人傳破膽謚妙按
圖收地險堅壁阻天驕禮樂欽儒將經綸翊聖
朝長城一身是詎數霍嫖姚格整辭綺氣雄此

篇乃廷實排律最優者

秋日山中送許中丞德新赴甘肅總鎮十

韻

暫布山東化還為隴右行中丞新受勅賤子舊
 知名玉露承冠劍金飈捲旆旌神羊心自直孤
 隼勢初橫地接祈連砦心羅冒頓營未須懷破
 斧先喜號長城古人俗人不似今草映邊雲白沙流
 漢月明寫塞上景陝人歌召伯關吏識終生許
 國知公志通家是我情真率離筵忽隔水秋望
 轉盈盈此篇起語全是盛唐中間鋪叙俱妥結
 點出不忍別意甚得體可法

薛蕙

送楊石齋

社稷功成後山林避寵年遭逢誰可並出處獨
 超然反側當前日經綸邁昔賢殷憂興聖主
 致治格皇天凶豎同摧朽蒼生盡解懸廟謨隨
 指顧臣節見周旋智勇千夫敵勲勞百辟先賞
 仍虛裂土名已重凌煙握壘慚周勃揮金笑魯
 連急流嫌盛滿介石暮貞堅許國心恒切還鄉
 興偶幸留侯初相漢樂毅晚辭燕異渥絲綸數

高風進退全草停。黃閣詔花簇錦。江船水檻星
橋側茅堂雪嶺邊。雲霞深綠野卉木富平泉事
業存鍾鼎儀刑照簡編。累朝瞻翊戴四海憶陶
甄。白首歸休記青春送別筵。衣冠望行色端不
異。登仙清新俊麗

寄劉士奇王允升戴宗道張時濟四同

年三十韻

往與諸君
同在此部

衰劣今如許。飄零復在茲。故人多契濶。新歲獨
凄其。棄置曾誰惜。龍鍾亦自嗤。端居衣信冷。徐

步杖仍遲。日日驚腰帶。星星歎鬢絲。膏肓危二
豎。營魄蠹三尸。枕席祗勤卧。尊罍輒懶持。鶯花
憎麗景。煙月負幽期。過度閒雅夙昔游燕闕。風流
集鳳池。朝回青瑣闥。宴坐白雲司。覆奕邀王粲。
聽琴狎戴逵。季鷹元嗜酒。公幹最能詩。叙得有法
夜對金壺滿。朝褰錦帳垂。琳琅光炤爛。鴛鴦羽
參差。攜手彌年歲。銷魂各路岐。神交猶未隔。心
賞遽難追。諸彥名逾振。孤生世所遺。軒裳辭上
苑。泉石占東菑。林下開蓬徑。牆邊樹枳籬。山窓

盤薛荔水檻宿鷓鴣放浪情難盡躋攀力已疲
積病真潦倒壯志稍磷緇汲汲虛從事冥冥寧
守雌嗟蛇淪散地馳騁後明時多病文園老無
媒賈傅悲丹霄看漸遠滄海竟何之雅調懷鍾
子高談阻惠施青萍羞晚售紫燕苦長饑不啻
傷遲暮那堪怨別離茫然萬里外一札報相思
清如初開芙蓉無
俗字重語

送顧華玉邊廷實歸南都
邊顧文章伯聲名三十年價高雙白壁調逸兩

朱絃天然可喜憶昨初傾蓋看君早着鞭龍門愁
峻絕驥尾慕夤緣中歲逢迎阻清宵夢想偏盍
簪重見日鳴玉並朝天置酒春壺滿題詩錦字
連過度清冷城隅方曲讌陌上忽離筵言送東南
美真如李郭俱舍二人望塵悲往路臨水惜徂
川吳會浮雲外燕京落日邊相思日延佇須枉
濟江篇

送劉長輿

劉子今年少文章歛老成似杜青春動才調揔

角已聰明父黨同交輩前賢畏後生翻然兼鮑
照不啻似陰鏗歷代流傳體千秋著作名詞場
予有託他日爾橫行佳

飲何太僕答贈六韻

金馬棲方朔文園卧長卿何人今繼作夫子早
知名妙接上聯曠世同諧遇憐予似弟兄羊何叨
倡和王蔡忝逢迎酒縱連朝飲詩留向夜成扳
歡意不盡真見古人情詩貫一意一象此篇稍
加點景則全佳矣

王廷陳

自三台河泛舟至鳳巖

嘗蓄水雲興茲乘風日和句爽纜牽仍擊汰棹

輟且隨波竊慕太公釣猶欽孺子歌野風散蘭
杜潭影翳藤蘿曲岸行逾近支流入轉多魚虫
衝艇躍鷺鶴狎人過漸覺傍洲退迴看遠岫羅
詭容綠爽出逸思向空摩嚴子瀨若此秦入源
匪他再來津恐失歸路柰愁何間雅自然

初歸故園作

結髮負奇志。辭家作遠遊。一言侵絳灌。萬死脫
幽囚。倚伏虛疑鵬。光芒隱射牛。敢云疲漢戟。實
已敝秦裘。習隱希玄豹。忘機對白鷗。生涯惟素
業。吾道已滄洲。

其二

富貴雖非願。歸來猶抱慙。祗緣頻觸網。敢謂早
抽簪。進退兩無據。迂踈七不堪。何妨流俗笑。擬
向達人談。志業總虛擲。艱危誠飽諳。逝名棲市
井。投跡慕江潭。字字清潔如玉

贈張汝霖北上

吾國張平子。風煙守釣磯。思玄才不忝。拾紫願
多違。是出輸芹曝。非關厭厥薇。交遊行贈策。妻
子走牽衣。試問登燕隴。何如息漢機。貂裘季子
去。駟馬長卿歸。薜荔懸初服。松筠隱舊扉。獨憐
垂老日。更逐斷蓬飛。

寄劉松石時松石開府薊遼破虜功成將

有歸隱之意

鎮擁三邊重。銜兼八座榮。韜鈴臨玉障。仁義即

金城神武雖無敵。天威亦有征。塞煙烽裏合隴。月笛中鳴。直應師方壯。恩驅命始輕。何云無上策。已見戢佳兵。虎豹爭為用。風雲立可生。書隨飛箭去。檄至倒戈迎。百勝非天幸。諸戎不日平。橫行邊地拓。獨坐虜塵清。質子趨周道。降王詣漢京。歌鍾時自勞。戍鼓遂無驚。定遠元投筆。終軍枉請纓。不言防衆忌。求退為功成。但使龍庭滅。寧邀麟閣名。此篇雄渾清新明白條暢因朝排律如此篇者豈多見耶

高叔嗣

送管平田先生頒封秦府歸省

五等周分國。三王漢世家。日聞敦帝族。時見遣皇華。剪土仍鷄首。䟽邦自犬牙。秦關通使節。灞水渡征車。過邑恩難屢。登堂禮更嘉。何如北山客。行役動長嗟。前半佳

送太宗伯介溪公南都十二韻

露板承權渥。天書拜寵靈。春官典邦禮。風后佐王庭。出入登三事。遭逢起一經。持衡人莫眩。講

殿帝親聽妙思黃華句雄篇繡補銘龍文生
赤汗鸞翻奮青冥便過度輕暫往神都遠同追祖
帳停二京分化理八座備儀形仙權花催發官
途柳為青微生荷剪拂孤跡困飄零空謝伸眉
日多愁短髮星新公還衆所祝強飯念朝廷

再次權店

攝官強四月被役乃三來把炬尋山路傳食就
水隈憂荒早頭白忍事竟心灰客姓途人記官
程驛吏催梁園即此路何戀不南回有雅趣

李攀龍

送林章之郎中讞獄南海

舊識于公傳新知陸賈才漢章雙鳳下越郡五
羊開旌節看山駐樓船截海來長安天北望使
者日南回訟府蒲堪挂刑書竹可裁明珠滿合
浦應照不然灰

題歐職方鵝山泉高齋

聞君讀書處乃在蘄山阿水色開窓檻泉聲散
薛蘿濯纓秋雨至把釣夕陽多白壁澆田出寒

流沒羽過風塵無燕息賓客有羊何一自從王
事空為勞者歌

哭公實

逝矣梁公實清時隱漢關扁舟浮大海健筆誌
名山豈悟風流盡猶言洗沐還文章憎白髮服
食誤紅顏禪草來天上玄經出世間縱為華表
鶴羽翻已難攀內有佳聯

和殿卿咏梅篇

忽報探梅句深知水部賢空梁流漢月寒色動

江天清俊影落青樽裏花生綵筆前新妝縈素
練白雪洒繁絃南國書堪寄春風病獨憐更慚
清思減不及兔園篇全佳

夏日張茂才見枉林園

殘書開積雨高枕對重林非爾乘幽興無人惠
好音分寧鷄黍簿交自布衣深不改青松色堪
知白雪心諸生貧嗜酒多病老抽簪何必論丘
壑金門總陸沈

宿華頂玉井樓

玉井通溟海知奇景頭朱樓冠削成波傳潮汐到
檻接斗牛平虎魄侵燈出蓮花傍枕生拂盆雲
髮暗映掌月珠明犯座人間象浮槎世上情不
愁更漏絕石鼓自能鳴景尤奇

人日同元美子與公實集子相宅

年華開此宴春色又長安得日人相勞披雲客
共歡貼屏皆綵勝佐酒尚辛盤北鴈先花發西
山過雪看文章投筆盡心事斷金寒不但蕭朱
輩論交自古難小人多所以難

王世貞

天寧寺塔中有舍利時時於相輪吐光子

夜宿見之

飛剝聳岩堯迴風萬鐸敲神光發寶樹定力轉
金標熠燿渾難擬熹微迴不消晦驚春月上昏
憶曙星搖法鴈珠頻吐神龍燭乍飄一燈披幻
劫萬界出沈寥自失迷津晚俄然覺路迢不須
求指示淨域本非遙殊有賓王太白之風佳品

人日同茂秦于鱗夜集子相考功分韻

令節淹羈旅同心籍見要人俱愛今日吾亦醉
茲宵罇是宜年栢盤餘頌歲椒殘梅壽陽片新
柳建章條雪色凌春發星光逼曙盛唐俊酒搖
闌仍劍佩詩就各瑤瑤身世誰偏晚風塵敢自
驕更慚叨薄祿樽筆報清朝佳

謝茂秦盧次梗謁余於魏郡有作

命駕俱千里街杯問各天文章一言合姓字兩
生傳貫日荆卿七飛霜鄒氏篇壁還新去趙金
盡舊游燕偃蹇中原並縱橫處士偏青雲折筭

裾白日助高眠老盡人間態貧操物外權酒徒
吾敢後詞筆爾爭先竹瀉淇園色花凝大陸煙
拂衣從此別為約五湖邊雄辭健筆不減高岑
妙品妙品

書懷

欲詢歸後况高枕即生涯懶入時情甚衰從物
態加浮踪付蕉鹿宿病笑弓蛇酒漸輸中戶詩
仍諱大家寬心籬外鷄寄恨井中蛙星斗終何
預江湖敢自誇畏稱微士柳羞種故侯瓜不齒
交游盡何顏歲月賒榮名真嚼蠟眷屬似搏沙

唯有空王觀能消夢裏花。鉛華洗盡美玉精金。

大中丞潘公自吳興扁舟見訪。

簿·寬·容·休·沐·幽·棲·得·故·人·蓬·今·開·仲·蔚·花·似·識·

安·仁·餉·我·烏·程·酒·兼·之·千·里·萼。清·逆·宛·似·李·青·蓮·語

片·言·心·轉·合·一·醉·俸·堪·貧·兒·竿·驕·增·色。公·所·贈·也

裊·盧·捷·有·神·態·知·顏·玉·好·交·入·斷·金·親·共·愛·浮·

家·易·仍·誇·澤·國·鄰·風·塵·生·塞·兌·歲·月·老·知·津·予·

忝·分·麾·舊·公·仍·啓·事·新·爭·為·五·湖·長·此·拜·定·誰·

真。思·清·辭·綺·一·結·更·妙·足·仿·仙·風

姚汝循

元日舟中寫懷十四韻

羈·旅·三·年·客·歸·途·歲·復·新·支·離·悲·往·事·寥·落·嘆·

茲·辰·浮·跡·易·為·感·孤·懷·難·具·陳·遼·天·雙·拆·翼·涸·

轍·一·窮·鱗·寬·法·猶·明·主·深·文·耐·衆·人·終·成·二·

卯·棄·莫·遣·寸·葵·伸·雪·泛·巴·川·夕·梅·驚·楚·岸·春·放·

歌·同·澤·畔·鳴·玉·想·楓·宸·鷓·侶·何·由·接·鶴·羣·祇·自·

親·行·歲·思·醉·酒·勳·業·付·垂·綸·紈·袴·頻·登·用·儒·冠·

竟·誤·身·物·情·堪·涕·淚·世·路·總·酸·辛·黃·綺·商·山·外·

巢由頽水濱。且湏從所好。高步躡芳塵。通篇倦
倦。不忘君。未以黃綺巢由自慰。何等冲融。

同青神陳明府遊中崑寺十六韻

勝槩清江上。幽尋屬早春。諸溪泉脉動。萬壑柳
條新。意點早俯檻潛魚躍。登臺憇鶴馴。居然來洞
府。邈矣出風塵。寶殿龍宮接。丹樓虎穴隣。雲梯
迴窈窕。霞壁闢璘珣。突石真如笋。蒼松盡結鱗。
絕無鷄犬鬧。惟有鳥猿親。握手逢仙令。攢眉異
昔人。池邊陳綠醕。花下醉芳辰。心事同流水。生

涯憶角巾。一丘堪送老。半榻可容身。轉覺官為
累。逾看道足珍。簪纓果何物。世路恣迷津。高情
達語未若來茲地。誅茅結淨因。通篇清整

送少司空鳳竹徐公奉詔督治漕河二十

韻

國餉資漕輓。河渠實要津。君王勞顧念。元老出
經綸。飛牘杼丹烟。褒章下紫宸。都俞今復見。眷
遇古無倫。計日征輶發。傾城出祖頻。賜衣燕豸
繡。擁傳是熊輪。望重周居魯。才高嶽降申。風雲

看際會龍馬奮精神自昔工為政茲來悅使民
誦詢周吏士義氣動神人四語足見海若將從
役馮夷敢作也滄波千里瀉夙志一朝伸貢篚
通夷夏軍需塞帝闈玄圭告成事白璧獎勞臣
禮數榮三錫聲華蓋八垠他年應配禹不日且
持釣獨愧淹多病無能致一身鉛刀雖自許藥
裹轉相親但願常台鼎何妨終隱淪意佳辭化
成有餘潤亦得逮窮鱗清新雄俊王岑李杜之
間妙品妙品

張文介

上洞山宗伯老師先父原老師故人時欲

報父仇故篇末云云

一代文章伯三朝柱石臣雄才班馬輩厚德閔
顏倫望道恒虛已推忠獨致身九重資啓沃庶
士荷陶甄宵殿頻分炬春宮幾賜珍華夷瞻氣
象龍馬比精神以上字字秀句流寰宇清風滿
縉紳駭乘卑博陸開閣隘平津聖主恩殊渥
蒼生望正頻召公分陝日伯益在虞辰暫醉金

陵月行持玉殿鈞固須垂竹帛且見畫麒麟有
士蒙題鳳無媒尚繫鴉漫懷商鼎念空老越江
濱抱憤常彈劍含悽久卧薪半生悲黯黯千里
走逡逡杜全學獻賦隨流俗吹竽混衆人嵇康非
喜仕原憲豈憂貧倘憶山陽舊深裏願一論貫珠爛如披錦此篇蓋近之矣

寄送沈三洲少叅開府廣信一十七韻

先生聖朝俊何久卧丘園妙起即自重一朝養都
忘九棘尊高居向湖上絕勝住桃源柳畔遊春

棹花前獻壽樽叩門無俗客論道有賢昆戲綵
應多暇題詩動萬言清音叶金石佳句滿乾坤
聖主思賢佐求忠自孝門妙各自對紫泥頻錫詔
黃犢合更轅夜月清川永秋風綵旆翻東南財
歆竭饒信役殊繁造福知能事除奸可憚煩除
凶人重看陳下榻莫使段踰垣親善念我仍披
褐含冤且覆盆瀟瀟家四壁黯黯淚雙痕可悲
漫有懷千里無能強一奔封書附東鴈離思若
堪論詞温而麗意悲而遠佳

過鳳麓丈錦石齋戲題十六韻

使君好幽寂。齋裏石為山。得先題破既得丈人性。
還怡靜者顏。嶢巖雜苔碧。掩映帶花殷。入戶時。
堪倚參雲不可攀。祇疑錦作障。直比玉成寰。門。
外人從鬧林中意。自閑觀空殊。仰止適興幾。循。
環映竹書千帙。穿帷月一彎。因之悟清淨。遂欲。
忘痾鰥。幸得憐同氣。長來一叩關。談詩時取醉。
對局每忘還。况喜橙初熟。仍憐菊漸班。似遊三。
島上。宛在十洲間。清便開徑應同蔣。封侯豈讓

斑蒼生。正懸望王國。且多艱。只恐東山卧。終難。
縱謝安。辭意圓足。隊仗分明。

虎泉百兵漱芳亭新成偶題二十四韻

愛君亭子好。風物宛桃源。江月夜臨几。吳山朗。
對門碧。垂書閣柳青。繞石林。萱堦下。菊三徑。愬。
前蘭幾。盆踈鍾落高。觀遠雉帶長。垣瓦雀忘機。
下金魚得食繁。人間常獨坐。市遠寂無喧。養志。
樂賢子看花。携衆孫。酒邊隨卷帙。竹裏出盤餐。
秀句輒盈壁。濃香時滿軒。能詩晉部穀。好客趙。

平原世事老慵問。床書靜自翻。全勝仲蔚宅。豈
數習家園。願得君長健。時來傾一樽。無一字不
工的真盛

唐雅
調

選懷石使君巡行越中八韻

溽暑勞王事。遠巡滄海東。却憐山水好。宛向畫
圖中。萬壑雲水秀。千谿潮汐通。如畫石傳神禹
穴。郡即越王宮。蘭色杯中綠。荷花鏡裏紅。夜樓
觀海日。朝舫快樵風。李白詩元捷。相如賦更雄。
探竒得佳句。頗願附新鳴。妙

酬趙晉峰丈

一見輒相契。冲襟自不同。清言渾似玉。逸氣更
如虹。贈我新詩好。過於古調工。流水對高情七
賢外。秀句六朝中。白雪雖難和。沉憂頓覺空。未
由談屢屢。翻恐別匆匆。湖水寒逾碧。林梅曉乍
紅。得錢將百箇。即往醉陶公。清新俊麗善學
右丞

春日過順所郡伯山園一十八韻

太守王喬侶。青年輒慕仙。飄然視華轂。澹爾若
浮煙。奕選選勝從茲地。為園擬洞天。用字工
名

山八九畝精舍兩三椽門種先生柳池栽大士
蓮高齋丹竈列半嶺繡龕懸萬井蒲團下澄江
茗碗前興來聊把酒客去即安禪秘訣存中一
清心格上玄飛昇應並許攝引豈同錢余亦談
空者聞風竊慕焉飛動俊幾年動仰止此日幸
攀緣穿洞疑瑤島循崖愛碧泉凭空看海月對
竹敞春筵舞鶴時過砌條風乍入絃石邊雲細
細花裏溜潺潺清瑩如珠雖與間閣接殊居宵
漢邊何當謝塵鞅長此叩真詮每遇結語
更佳

奉酬益藩仙翁世殿下一十六韻

大國賢王胄天朝聖祖孫一中窺道岫三峽比詞源高義同金肅
冲襟更玉温堂堂龍種表藹藹德人言待士謙
和甚居家孝友敦詩成珠錯落筆動鳳騰騫妙
譽推黃絹清輝護紫垣鳳麟真間出燕雀豈同
論直訝過曹植寧云勝楚元獨嗟綠狗監何幸
侍龍門豈有才如乘兼無辨似髡迺蒙憐老驥
應暫類窮猿不以諸生賤侷承亟餽繁已叨姬

伯鯉重錫穆生樽絕異寒儒味殊加久客冷自
慙徒雀躍何以報鴻恩清逸定如朗月流雲

奉送大司馬崑崙相公還朝

望協三朝重階登八座榮直為周九鼎詎止漢
長城作賦應無敵談兵且最精抽毫兩都就揮
塵六花成東海何多難潢池屢弄兵赤心推置
腹白羽獨行營狡兔渾生縛長鯨亦就烹絕勝
孫討虜不啻馬長卿國體欣重振皇風喜再清
正憐方附鳳無柰輒遷鶯分岐思公真征南念

孔明丹霄期秉軸黃閣佇持衡既陟三台位還
垂萬世名獨嗟違綵幕誰復愛陰鏗雄渾精麗

寄游初兄

憶自寒宵別冬來又一年壯懷同未展愁眼兩
俱懸君夢吳山月余瞻薊北天空多叔夜興難
泛子猷船舊好幾同聚新篇應盛傳揮毫寧落
後獻賦莫爭先實學于今忌虛懷自古憐可如
黃叔度莫似李青蓮相勉之情塞近須防虜春
來好離燕囊空那得酒衣敝願加綿何等戀偶

皇明十二家詩選卷九
遇皇華使題詩忽滿箋

東園堂
五十五
青樓

盛明十二家詩選卷九
畢

